









1698 13/11

Q. F. F. Q. S.

GOTHOFREDI ANTONII, IC.  
DISPV TATIO FEVDALIS XI

QVIBVS MO-  
DIS FEVDVM  
AMITTATVR,

Quam

*Cum Corollaris ex Iure Publico,*  
adductum Institut. Per-Illustris Dn. de RHEZ  
IN ACADEMIA FRIDERICIANA,

PRÆSIDE

IO. SAMVELE STRYKIO

I.V.D. & Professore Publ. Ordinario,

D. XVII. Decemb. A. O. R. MDCXCIIX

Placidæ disquisitioni publicæ submittit

IOANNES IACOBVS Kanler /

Cassel. Hassus.

HALAE MAGDEBVRGICAE,

TYPIS CHRISTOPH. ANDREÆ ZEITLERI, AC. TYP.

si qua  
Affir-  
6. n. 5.  
r not.  
9. vbi  
tituti,  
l. 2. n.  
iour.  
olim  
Hart.  
4. n. 7.  
& a-  
scri-  
  
in d. 6.  
2. 9. 8.  
& dies  
remo-  
5. n. 2.  
c. n. 6.  
3. Rol.  
ui id a  
a pro-  
s ipso-  
li non  
ibi, ni-  
r Loth.  
Fach.  
bered.  
Princ.  
tter. d.  
ate re-  
d qui-  
m im-  
ausam  
1. 9. 13.  
is illa  
d. 9. 8.  
Diff.  
  
SPV-





OT  
ANTONII  
ESCALA  
OVBVS  
DISSE  
AMITAT  
JOHANNES  
ESTRICK  
IOHANNES  
RUBIN







## COROLLARIA

*Ex Institut. Iuris publici Ill. Dn. de Rhetz*

Lib. II. Tit. 3. & seq.

I.

**P**rinces in territoriis suis iuri civili derogare possunt, quatenus res concernit subditos, non extraneos.

2. Ius Comitiorum prouincialium, seu votum & sessionem ibi habendi, non personale, sed reale est, & ex qualitate prædiorum, quæ quisque possidet, dependet.

3. Ius Wildfangiatus Palatino competens ex speciali priuilegio dependet, hinc alii Principes, vi superioris territorialis simile quippiam sibi arrogare nequeunt.

4. Ius instituendi Scabinatum a superioritate territoriali dependet; Responsorum tamen auctoritas se ultra territorium non extendit, nisi Scabini Doctoris gradum obtinuerint; Hoc vero destituti, vix est vt Scabini esse queant.

5. Ius de non appellando non omnibus Imperii Statibus competit, non tamen dubitamus pacto Principis & Statuum prouincialium aliud beneficium appellationis loco induci, & ita per indirectum appellationi ad Imperatorem derogari posse; Est enim beneficium appellationis renunciabile.

6. Iuramenta legitime præstita super negotio honesto, relaxare nec Papa nec Princeps potest. Quatenus tamen delictum subest in persona exigentis, eatenus in  
pœnam



poenam improbi exactoris, a Principe effectus iuramenti recte tollitur.

7. Copias in Archiuo Principis repertas vim originalis habere, vulgo statuunt; Sed scæpius & ipsa Archiua fallere constat, cum illa cautio, quæ in scripturis Archiuo custodiendis necessaria, rarissime adhibeatur.

8. Ius constituendi mensuras cuius territorii Domino competit; Sed ad næuos seculi pertinet, quod, non dicam in Imperio, sed ne quidem in vno Principatu, identitas mensurarum & ponderum recepta fuerit.

9. Ius constituendi collegia opificum, ad superioritatem territorialem pertinet, sed consultius forte esset, ista collegia plane tollere.

10. Merum Imperium an hodie mandari possit, prolixè disputant. Sed vendi illud, imò locari posse cum feudo, experientia testis est. Cur ergo nec illi mandari posset, cui totius feudi & iurium connexorum administratio mandata.

11. Distinctio in altam & bassam iurisdictionem non conueni principiis Romani Iuris, vbi & delictorum minorum vindicta ad iudicem criminalem pertinet; vnde certum est, pinguiorem esse apud Germanos iurisdictionem bassam, quam mixtum Imperium apud Romanos.

12. Principem priuilegia quæ ex gratia concessit pro lubitu reuocare posse, vulgo asseritur, quod si clausulam beneplaciti addiderit, concedo, alias nego; ne sub titulo gratiosi beneficii fallantur subditi.

13. Dispensandi potestas limites humani iuris excedere, & ad præcepta diuina se extendere non debet. Vnde in crimine Maiestatis læsæ locum dispensationi facio, non in homicidio, vtut hoc in duello commissum.

⊙ (o) ⊙



DISPUTATIO FEVDALIS XI.  
 QVIBUS MODIS FEVDVM AMIT-  
 TATVR.

THESIS PRIMA.

**F**euDum legitime acquisitum non nisi iusta causa a-  
 mittitur *a*, amittitur autem vel culpa *b*, quæ consistit  
 tum in committendo, tum omittendo *c*, & Felonia di-  
 citur *d*, vel citra culpam *e*: & proprietas ex parte Domini  
 iisdem modis *f*.

a) Adeo vt ne quidem Imperator illud ex plenitudine potestatis adi-  
 mere possit, siue ius diuinum spectemus, *3. Reg. 21. iunct. 4. Reg. 9. & 10. E-*  
*zech. 46. vers. 18.* siue ciuile, *l. 3. C. de resc. vend. l. 1. & 5. ff. de natalib. restit.*  
*arg. l. Papinianus 8. §. 2. ff. de inoff. test.* siue etiam feudale, *1. F. 7.* vide Hart.  
*Pist. 2. quæst. 40. num. 40. & seqq. Treutl. vol. 1. disp. 6. th. 2. lit. a.*

b) Vbi latiori significatione & scelera dolo perpetrata & latam cul-  
 pam intelligimus, cum Henr. Rosenth. *c. 10. conclus. 6. & 25. l. e. & concl. 69.*  
*in fin. Niel. disp. feud. 8. th. 1. l. b.* confer *2. F. tit. 23. princ. vers. de illa tamen.*  
*tit. 24. §. prater ea. §. item si delator, §. deniq; vers. si vero.*

c) Rosent. *c. 10. concl. 1.* Vult. *1. feud. c. 11. n. 16.* Gœdd. *ad l. 213. §. 2. de*  
*V. S. 1. F. 17. ibi vel similes culpas, & c. Bocer. clas. 4. disp. 17. th. 7.* Niel. *d.*  
*disp. feu. 8. th. n. 1. d.*

d) *2. F. 26. §. Domine, & t. 47.* cui vocabulo varias Grammaticas no-  
 tationes affinxerunt Interpp. teste Vult. *d. c. 11. n. 17.* Quidam enim a fallo,  
 quidam a Græco *Φήλωμα* deducunt, vt Borch. & Cuiac. Ego cum Spiegelio  
 barbarum esse nomen magis dixerim, & in Longo bardorum labris ortum,  
 præsertim cum his idem significet quod Latinis scelus, Germanis *ein Schel-*  
*menstuck* / testante Hotom. *in Lexico.* [Conf. Struv. *c. 15. th. 8.* vbi varias  
 vocis explicationes exhibet. Cui addatur Dn. Coccei. *in Hypomem. Iur. feud.*  
*tit. 8. §. 2.* ]

e) De quo amissionis modo vide thesin vlt. Gœdd. *disp. feud. 9. th. 1.*  
*& in manuscripto tract. feudali c. 9. conclus. 1.* Sonsbec. *p. 12. n. 1. & 2.* Borch.  
*tract. feud. c. 8.* Illud notandum, hoc casu feudum proprie non amitti,  
 sed finiri, vt subtiliter distinguit Paul. *3. sent. 6.* inter hæc duo, amittere v-  
 sum fructum, & finiri vsum fructum, quamuis cum dere constat, hac curi-  
 osa distinctione non putem esse opus, cum Conrad. Rittershus. *part. feud.*  
*lib. 2.*





*lib. 2. c. 5. num. 1.* præsertim cum & Imperat. hoc facere neglexerit, *in §. finitur. Inst. de vsu fruct.* [Conf. Ludwel. *Syn. p. 324.*]

f) *2. F. 26. §. Domino committente, & tit. 47.* siue feudum nouum sit, siue antiquum, Rosenth. *c. 11. concl. 70.* debet enim fideli suo vicem reddere *2. F. 6. §. vlt.* cum habeatur vt coniunx, *2. F. 58.* & dispositum de vno correlatiuorum, etiam de altero intelligi debeat, *arg. l. fin. C. de indict. vid. toll.*

## II.

Culpa quæ in committendo consistit, perpetratur vel in Dominum; quod fit aut directo, puta, si ipse offendatur, vel per consequentiam, veluti si personæ potestati affectuiue eius subiectæ, aut res lædantur; vel in extraneum *a*, & quia eiusmodi culpæ seu delicta facti sunt, certa regula numeroue comprehendi nequeunt *b*.

a) *2. F. 24. denique & 37. Vult. d. c. n. 18.* Henr. Bocer. *dict. disp. 17. th. 9. & 10.* Conrad. Rittersh. *d. t. num. 4.*

b) *2. F. 24. §. 2. l. non possunt omnes. 13. de LL.* Duaren. *in comm. feud. c. 14. n. 24.* Curt. *iun. p. 4. n. 80. circ. f.* Nicol. Moz. *ex quib. caus. feud. amitt. n. 120.* Ludolph. Schrader. *tr. feud. part. 9. c. 10.* Rosenth. *d. cap. 10. concl. 7.* Hotom. *disp. feud. c. 41.* Vult. *d. c. 11. n. 14.* Et quam infeliciter multi Dd. laborauerint in certa causarum determinatione constituenda, vide Rittersh. *d. c. 5. n. 2.* ideoque secundum Vdalricum Zasium *part. 10. n. 65. & in paratit. ff. d. LL. n. 10.* iudex in dubio magis ad absoluendum, quam condemnandum procliuus esse debet, *l. factum. 55. §. in pœnalibus. de R. I. & ibi Decius. cap. in penis. 49. ibique Dyn. & Peter. Peck. de R. I. in 6.* Confer tres elegantes Rittershusii admonitiones, *d. c. n. 4.*

## III.

Directo offendit Dominum, veluti si eum occidat *a*, pulset, vulneret *b*, verbis iniuriose lædat *c*, cum inimicis eius amicitiam contrahat *d*, delator eius existat *e*, secreto sibi creditum dolo & proposito malo effutiat *f*, feudumue infametur *g*.

a) Quocunque modo, gladio, an veneno, aut aliter, nihil interest, *2. F. 6. vers. incolume. & 7. vers. Ego iuro, ibi, quod tu amittas vitam vel membrum aliquod. & 24. §. porro si dominum. 51. §. si voluerit.* Conatus autem in effectum non productus non punitur, modo sua sponte pœnitentia ductus ab incepto destiterit. *d. §. si voluerit. vbi Schenck. Baro. Henric. Rosent. d. 6.*



d. c. 10. conclus. 22. & 23. late Hottom. ad d. §. si voluerit. Borch. d. c. 8. n. 93. 94. vide Cuiac 15. obs. 25. & 8. obs. 22. Gothofr. in l. 18. de pæn. Menoch. de arbit. iud. quest. libr. 2. cas. 360. [Ludwel p. 326.] nisi defensionis gratia, cum aliter periculum effugere non posset, id fecerit, l. vt vim. 3. de I. & l. 4. l. scientia 45. §. qui cum aliter, ad L. Aquil. l. 1. §. vim vi, & vi arm. l. 1. C. vnd. vi. l. 2. 3. 4. C. ad l. Cornel. de sic. c. significasti. extr. de homicid. vide de tota defensionis materia Zoanett. Romul. Iacob. Nouel. Fortun. Garf. Mar. Salomon. quibus adde elegantissimas prælectiones, Gædd. ad d. l. 3. de I. & I. proluxe Ludolph. Schrader. p. 9. c. 4. n. 54. qui & hanc exceptionem addit, si vasallus Dominum in adulterio vxoris suæ deprehensum occiderit, d. c. 4. n. 92. [Ludwel p. 327.]

b) 2. F. 24. §. porro, ibi, graues & in honestas (ita Feudista quamuis iniuria nulla honesta sit) iniurias intulerit, fac. forma fidelitatis 2. F. 7. ibi, quod tu recipias in persona tua aliquam lesionem, Vult. d. c. 11. n. 25. Gædd. d. disp. 9. th. 6. in fi. & in d. manuscript. tract. c. 9. concl. 2. Nam & ob hanc causam donatio reuocatur, l. fin. C. de reuoc. don. & vxor repudiatur, l. consensu. C. d. repud. & filius exheredatur, N. 115. cap. 3. vnde autem leuitas vel grauitas æstimanda sit, Iudici committimus, vide §. atrox. Inst. de iniur. Vult. d. c. n. 26. Mozz. ex quib. caus. feud. amitt. n. 26. [si manum tantum leuauerit quasi percussurus: quod delictum admenatio vocatur Ludwel d. p. 327.]

c) d. t. 6. vers. Honest. & t. 7. vers. Ego iuro, ibi, vel iniuriam vel contumeliam, vel quod amittas honorem, 2. F. 24. §. porro si Dominum, ibi, vel graues vel inhonestas iniurias, Vult. d. num. 26. Gædd. d. conclus. 2. Niell. disp. feud. 8. th. 5. l. a.

d) Modo id fiat in perniciem Domini, 2. F. 57. l. liberi. vers. si tamen matr. C. de inoff. testam. l. 1. §. cum patronus in fin de off. pres. vrb. Schrad. part. 9. cap. 5. n. 23. & seqq. [Itterus de feud. Imp. c. 24. §. 4. Struv. c. 15. th. 9. num. 3.] Sed cui in dubio incumbet probatio, amicitiam in perniciem Domini factam esse aut non esse? Dominus probabit hanc amicitiam sui spectare iniuriam, Henr. Rosenth. d. c. concl. 27. vbi vide plures alleg [Ludwel p. 328.] dissentit. Matth. de Afflict. ad d. tit. 24. §. porro. n. 21. Zas. part. 10. n. 32. Socin. Iun. consil. 134. n. 36. lib. 3. Menoch. consil. 102. n. 11. & 12. lib. 1. confer. Borch. d. cap. 8. n. 121. vbi scite & eleganter multa tradit de præsumptionibus quæ ex prauo sodalicio aduersus aliquem existunt, & Rittershus. d. c. 5. n. 12.

e) Vnde graue damnum Domino datum sit, 2. F. 24. §. item si delator, vbi recte Sonsbec. p. 12. n. 46. notat, non intelligi accusatorem per N. 115. cap. 3. §. §.

N n 2





3. §. si delator. Vult. d. c. 11. n. 27. Rittershus. d. c. 5. n. 19.

f) Quod est credentiam manifestare, 1. F. 17. 2. F. 5. ibi, nec id quod mihi, & c. tit. 6. ver. Tutum. tit. 7. ibi, & si aliquid mihi, & c. Afflict. in c. 1. de form. fidel. Borch. d. cap. 8. n. 126. Crauet. conf. 224. n. 6. Cœpol. consi. 39. n. 29. Vult. d. c. n. 21. cum alleg. Gœdd. d. disp. th. 6. l. b. Quid si doloso proposito euentus damnosus non respondeat, an nihilominus amittitur feudum? Omnino; arg. l. diuus. 14. ad l. Corn. de sicar. l. quoniam nulla. 6. C. ad l. Corn. de vi publ. l. 53. de furt. Schrad. d. p. 9. cap. 5. n. 52. Borch. d. c. 8. n. 126. Rittershus. d. c. 5. n. 22. Diss. Wesemb. cap. 15. n. 6. Zas. d. c. 10. n. 34. Sonsbec. part. 12. n. 62. & alii quos allegat Rosenth. d. c. 10. conclus. 60. In dubio autem vasellus probabit dolum a se abfuisse, l. 1. vbi omnes Dd. C. ad l. Corn. de sicar. Roland. a Vall. conf. 52. n. 33. vol. 8. Crauett. conf. 2. n. 12. libr. I. Quid si literas Domini resignauit? iuste feudo priuabitur, vide. Rittershus. d. c. 7. n. 24. [Conf. Dn. Parens. in Diss. de credentia reuelatione quæ extat in vol. III. disp.]

g) 2. F. 26. §. vasallus si feudum. & §. vasallus feudum. tit. 34. §. vlt. siue in iudicio, siue extra iudicium, Cuiac. libr. 3. feud. ad tit. 5. Quod si partem tantum aliquam neget, parte etiam multatur, Molin. ad consuet. Paris. tit. 1. §. 30. n. 6. Cuiac. ad d. tit. 5. [Struv. c. 15. th. 9. n. 7.] Quid si dubius Domino quærenti responderit nescio? Retinet feudum, 2. F. 26. §. vasallus feudum. tit. 34. §. vlt. An etiam si instrumentum inuestituræ abneget, priuabitur feudo? Sic puto, modo de feudi conditionibus aliunde constare nequeat; Schr. part. 9. cap. 6. n. 23. & seq. Dissent. Bocer. d. class. 4. disp. 17. th. 37. Abnegati autem instrumenti licet vasallus alius sit conscius, id tamen Domino reuelare non tenetur, neque in hoc quicquam facit contra debitam fidelitatem, quamuis hic Zasius iura feudalia inter se dissonare exclamet, d. part. 10. n. 53.

#### IV.

Item si in causa magna & graui male contra Dominum iudicet *a*; eumue de crimine capitali accuset *b*, aut alia aliqua famosa actione *c*, aut interdicto vnde vi *d*, aduersus eum experiatur, testimoniumue contra eum in ciuili non modica, & criminali causa dicat *e*.

a) Ita vt rescissa sit sententia ex iisdem actis in causa appellationis, Zas. p. 10. n. 47. iunct. n. 50. Curt. p. 4. n. 73. Vult. d. cap. numer. 27. vbi vide plur. alleg. [Modo dolo & fraude id fecerit vasallus. Ludwel. p. 332.]

b) Siue per se, siue per alium, imo si saltem accusatori in iudicio adfuerit,



fuerit, aut pro eo fideiussor extiterit, *arg. text. in l. post legatum, §. §. sunt qui putant, de his quæ ut indig. l. qui cum maior, 14. §. sed si non accusauerit. ff. de bon. libert. Sonsbec. part. 12. n. 48. Rosenthal. d. cap. 10. conclus. 30. Vult. d. cap. II. n. 27. ubi. plures alleg. vid.* Sed nec ad veri criminis accusationem citra feudi amissionem admittitur vasallus, *Dyn. ad d. l. qui cum maior, 14. de bon. libert. Curt. iun. p. 4. n. 62. Sonsbec. p. 12. n. 47. quos sequitur Rittershus. d. cap. 5. n. II. Dissent. glos. Aluarot. & alii. ad tit. 24. §. item si delator, 2. F. per l. ita vulneratus, 51. §. quod si quis ad l. Aquil. & l. eum qui nocentem, princ. de iniur. Excipe crimen læsæ maiestatis, arg. l. famosi, 7. §. serui quoque, ad l. Iul. Maiest. N. 115. cap. 3. glos. & Dd. communiter, in d. §. item si delator, Possunt euitare amissionem, si suam suorumque iniuriam persequantur, arg. l. hi tamen, II. de accusat. l. 1. §. interdictum hoc, 42. vers. aliter atque si vi. ff. de vi. & vi arm. aut abolitione impetrata deseruerit accusationem, arg. d. l. qui cum maior, 14. §. accusasse autem, de bon. libert. Vult. d. n. 27. Henric. Bocer. d. disput. 17. th. 15. 16. 17. Rittersh. d. c. n. 16. [Conf. Ludwel. p. 329. seq. Struv. d. c. 15. th. 9. n. 4.]*

c) 2. F. 22. vers. Curia autem, ibi salua reuerentia, & tit. seq. vers. quomodo enim, Vult. d. n. 27. ubi vid. alleg. & Dd. quos collegit Rosenth. d. c. 10. conclus. 32. lit. e. nisi prius affectus sit atroci aliqua & reali iniuria, l. 1. §. interdictum hoc, 43. vers. meliusque erit, de vi, & vi arm. l. hi tamen, II. §. 1. de accusat. Wesembec. tract. feud. cap. 10. num. 15. in f. Rittersh. d. cap. n. 26. [Bona tamen domini arrestare non prohibetur Carpz. p. 1. c. 29. d. 27. n. 3.]

d) Molo vis fuerit inermis, arg. d. l. 1. §. interdictum hoc, de vi, & vi arm. l. non debet, II. §. 1. de dolo. l. 4. §. aduersus parentes, de dol. & met. except. Zas. in epitom. feud. part. II. n. 23. & seq. Wesemb. cap. 10. n. 15. Rittersh. d. cap. n. 26. [Rationem decidendi Dd. in eo ponunt, quod hoc famam Dni lædat, sed probandum prius, quod interdictum unde vi infamet] Diss. Borch. cap. 9. n. 18. Rosenthal. cap. 10. conclus. 32. Mynsing. cent. 4. obser. 91. & consil. 21.

e) 2. F. 33. §. similiter Cuiac. ad tit. 36. 4. feud. Eguin. Baro. lib. 3. de benefic. cap. 3. Vult. d. n. 27. Rittershus. d. c. 5. n. 17. nisi aut causa feudalis sit, 2. F. 32. & 33. §. quod autem dictum est, aut Iudex reluctantem eum cogat ad dicendum testimonium, l. non videntur data, 167. §. 1. de reg. iur. Rosenth. d. cap. 10. concl. 34. Borcholt. d. cap. 8. n. 128. Vult. d. n. 27. Rittershus. d. c. n. 18. [Hæ tamen & reliquæ causæ minutæ, ad feuda Imperii applicari non possunt cum plus iuris habeant Principes & Status Imp. quam reliqui, minimi vasalli, uti contra Schütziun & Sixcinum recte asserit Itterus c. 24. §. 4. in fin.]





## V.

Per consequentiam dominus læditur, vbi personis potestati affectiue eius subiectis iniuria inferitur, vt si vafallus dominum cucurbitet *a*, id est, stuprum domini vxori *b*, filiaë aut nepti, ex filio item nurui *c*, matri *d*, sorori *e*, pedisequæ dominæ *f*, quamuis volentibus & consentientibus *g*, inferat aut inferre se exerceat *b*.

a) Francisc. Hottoman. in suo Lexico deducit hoc vocabulum a voce Curbita. Videtur autem Barbarum fontem redolere, præsertim cum in Ll. Longobardicis curbita pro stupro vsurpetur. [Conf. Vosius *de vit. sermon. l. 4. c. 4.* Bitsch. *in Comment. ad 1. F. 3. p. 87.*] Rationem eius & quasi Logicam notationem adducit Rittershusius hanc, quod qui hoc flagitium perpetrare audeat in personas tam coniunctas domino, is eum habeat pro homine inerte, quasi qui pro capite habeat cucurbitam, & peponem loco cordis, vt est prouerbium.

b) *1. F. 5. item si fidelis, tit. 21. §. vlt. vers. vel si concubuerit.* An & sponsæ? Affirm. vide Cuiac. *6. observ. 16. §. 20. cap. 16.* & Dd. quos citat Schrad. *p. 9. cap. 2. num. 12. §. seq.* Baro *lib. 3. de benefic. cap. 3.* Rittershus. *d. cap. 5. n. 102* [Ludw. *p. 333.*] An & viduæ? Negamus, *arg. tit. 21. §. fin. 1. F. Vultei. 1. F. 11. num. 31. vers. quid de vidua*, Sonsbec. *part. 12. num. 16.* Schenck. Baro *ad d. §. item si fidelis, n. 1.* Eguin. Baro *lib. 3. de benefic. cap. 3.* [Ludwel. *p. 336.*] Dissen. Clarus *4. sent. §. feudum. q. 48. §. in §. stuprum n. 8.* Schrad. *part. 9. c. 2. n. 5. §. seqq.* Rosenth. *d. c. 10. concl. 55.* Quid si iniusta sit vxor? idem dicendum, modo non iniusta sit ratione sanguinis, Vult. *d. c. 11. n. 31.* Rittershus. *d. c. 5. n. 104.* Dissen. vide apud Schrader, *1. part. 9. cap. 2. num. 15.* [Quod si per iniustam vxorem Autor intelligat Concubinam, contraria sententia haud dubie verior est, per ea quæ tradit Ludw. *p. 334.* vbi ad contraria respondet.]

c) *d. §. idem si fidelis.* Zas. *10. n. 24.* Sonsbec. *p. 12. n. 26.* Borch. *d. cap. 8. num. 92.* Rosenth. *d. cap. 10. conclus. 56.*

d) Laudens. *d. §. item si fidelis, n. 7.* Curt. *iun. p. 4. nu. 25.* Rosenth. *d. cap. 10. conclus. 58.* [Ludw. *p. 338.*] Dissent. Sonsbec. *cap. 12. num. 19.* Eguin. Baro *d. lib. 3. de beneficiis, cap. 3.*

e) Modò adhuc sit in domo Domini, *d. §. item si fidelis.* Secus est in Dominæ sorore, si scilicet Domina sit coniunx, *2. F. 24. §. rursus.* [Conf. Struv. *c. 15. th. 9. n. 9.*]

f) vt



f) vt voluit Rittershus. *d. cap. 5. num. 105. arg. l. 15. §. tenetur. §. sequ. §. meminisse, d. injur.* Sed contrarium verius videtur, Vultei. *1. F. 11. num. 13. vers. uxori*, Rosenth. *de feud. cap. 10. conclus. 27. num. 41.* Andre. de Ifern. & Fried. Schenck. *ad § item si fidelis*, Curt. *iun. part. 4. num. 22.* Sonsbec. *d. p. 12. n. 22.* [Ludw. *d. p. 338.*]

g) *l. 1. §. usque adeò. & l. si quis seruum, 26. de iniur.* Vult. *d. c. n. 31. in fin.* Et sentiunt ita communiter Dd. quos citat Schrad. *d. p. 9. c. 2. num. 19.* Rosenth. *d. c. 10. concl. 57.*

h) *d. §. item si fidelis, l. diuus, 14. adl. Corn. de Sicar.* Martin. Laudens. & Iacob. de Beluifo, *vers. Quero, si vasall. ad d. §. item si fidelis* Curt. *iun. p. 4. num. 25.* Hottom. *disp. feud. 41.* Wesenbec. *cap. 15. n. 5.* Rosenth. *d. cap. 10. conclus. 58.* Dissent. Schenck. Baro. *ad d. §. item si fidelis*, aut alicui id facienti opem tulerit, per vulg. iur. eleganter Goëdd. *ad l. saepe ita, §. de verbor. signif.* nisi vel ignorans talem esse, vel voluntate domini, fecerit, Curt. *p. 4. num. 20. & 29.* Rosenth. *d. cap. 10. conclus. 58.* vide omninò Vult. *d. n. 31. in fin. cum alleg.* Addo & hoc, nisi corpore palam turpem quæstum faciant, *arg. l. si ea 22. l. que adulterium, 29. C. ad l. Iul. de adult.* Dissen. Dd. communiter, Andr. de Ifern. Matth. de Afflict. *ad d. §. item si fidelis, num. 10.* Curt. *d. p. 4. num. 23.* Schrad. *part. 9. cap. 2. num. 19.* Rosenth. *d. cap. 10. conclus. 57. & alii.* Quid si quis postquam se exercuit, destitit à proposito, an nihilominus feudo priuabitur? Distinguo: aut poenitentia ductus destitit cum potuisset propositum perficere, & non priuabitur, *gloss. in d. §. item si fidelis, verb. exercuerit, Zas p. 10. num. 27. in fin.* aut alio impedimento interueniente abstinuit, & tum priuatur, *gloss. in d. verb. exercuerit*, Iacob de Ardiz. *in epitom. iur. feud. cap. 85.* Curt. *d. p. 4. n. 25.* licet alii aliter distinguant. Illud singulare est in vxore, quod quævis pudicitia eius attentatio, feudo vasallum priuet, puta, si turpiter ludat cum ea, id est, tangat non tangenda, *gloss. & Hottom. ad d. l. item si fidelis.* Qui si osculetur? Idem dicimus, modò turpe & luxuriosum fuerit osculum, & consuetudo Regionis non ferat, Frid. Schenk. *ad d. §. item si fidelis, num. 2.* vide eleganter crudité Borch. *d. cap. 8. n. 98. cum seqq.* Nielium *th. 5. lit. b. hinc*, Rittershus. *d. cap. 5. n. 95.* Item si litteris amatoriis, munusculisue ad expugnandam eius pudicitiam vsus fuerit, Henric. Boc. *d. disput. th. 44.* [Conf. Ludwel. *p. 339.* vbi & de osculis clericorum agit, an illa etiam præsumantur luxuriosa Conf. Roman. *Diss. de Osculo §. 24. & seqq.*]





## VI.

In rebus læditur Dominus, veluti si feudum dolo malo Vasallus alienet *a*, idque Domino inconsulto *b*, aut insigne detrimentum ei inferat *c*, item si dolo malo Domino damnum det in aliis eius rebus, puta munitionibus aut possessionibus *d*, etiam si eas communes habeat cum Domino *e*.

a) 1. F. 5. in f. tit. 21. §. si quis miles, 2. F. 9. pr. tit. 24. §. ult. tit. 26. §. si ea lege Curt. iun. p. 4. n. 81. Zas. p. 9. num. 26. Borch. d. cap. 8. num. 18. Rosenth. cap. 9. conclus. 2. Vult. d. cap. num. 40. Goed. d. disp. th. 6. l. d. Quod si vasallus excusare se volet, dicendo, se ignorasse feudum esse, deferri ei debet iuramentum, 2. F. 42. cap. cum in tua, §. fin. extr. qui matrimonium accus. poss. cap. 4. extr. de except. vide Andr. Gail. 2. obs. 48. n. 23. & sequ. Schrad. d. part. 9. cap. 1. num. 45. & seqq. nisi per coniecturas probabile sit eum sciuisse, 2. F. 41. §. ult. Gail. d. obs. 48. n. 18. & 69. n. 6. Mascard. de prob. vol. 2. conclus. 879. n. 31. & sequ. Tiraquell. tract. de pœn. temp. caus. 13. n. 30. Quid si dubitauerit esse feudum nec ne? Non amittere putamus, 2. F. 26. §. vasallus feudum, tit. 34. §. ult. arg. l. manifestissimum, 22. §. fin. autem, ibi, nec sciens & dubitans. C. de furt. l. ult. C. de condict. indebit. [Dissent Struv. c. 13. th. 9. nu. 3. sed Autoris sententia verior, cum in odiosis interpretatio restrictiua locum habeat.] Quid si alienatum feudum vasallus in continenti recuperet, an nihilominus eo priuandus sit dubium est apud Dd. Nos affirmantium sententiam in puncto iuris verissimam arbitramur, Schrad. p. 9. cap. 1. num. 17. & 18. Rosenth. c. 9. concl. 5. Vult. d. cap. num. 43. Dissent. Andr. de Ifern. & Aluarot. ad tit. 44. num. 3. 2. F. Curt. iun. p. 4. n. 104. in fin. quorum sententia non caret æquitate, & suffulta est speciosis rationibus. [Itaq; sequenda, maxime si in continenti feudum recuperet. Ludw. p. 353. Struv. c. 13. th. 12. n. 2.] Quid si famis, nuditatis aut æris alieni compulsus necessitate id alienauerit, an & tum perdet? Omnino. 2. F. 9. vers. Necessitate tit. 55. princ. Habito ergo, ibi, vt nulli liceat, & c. ibi, vel pro anima iudicare, & c. Menoch. 2. arb. iud. quest. cent. 2. cas. 182. num. 1. Roland. a Valle consil. 56. nu. 14. vol. 4. Hartm. Pistor. 1. quest. iur. 15. num. c. Schrad. part. 8. cap. 1. n. 20. Rosenth. cap. 9. conclus. 3. vide supra D. 9. th. 4. lit. a. & ibi not. Ad si hanc ipsam alienatione conditio Domini melior efficiatur, an nihilominus resoluetur ius feudi? Sic statuo, Barthol. Camerar. in repet. tit. 55. 2. F. Borch. c. 8. n. 78. Dissen. vide apud Petr. Duennas in tract. Regularum Iuris reg. 40. lim. 80. Si ve-



Si vero partem tantum alienauerit, partis tantum alienatae facit iacturam, 2.F.38. § 1. F. 21. §. vlt. ibi, beneficium suum vendiderit totum. confer l. Paulus, 58. ad SCtum Trebell. l. 8. de leg. 1. Curt. iun. p. 4. num. 143. late Schrad. p. 9. cap. 1. num. 55.

b) Ergo si inter alienandum adiecerit illam conditionem: Saluo domini beneplacito, euitare illum feudi priuationem, verius est. Menoch. consil. 38. n. 12. & seq. l. 2. Borcholt. d. cap. 8. n. 82. Rosenth. cap. 9. concl. 98. & 100. Vult. d. cap. 11. num. 44. [Struv. d. c. 13. th. 12. n. 1.] Dissent. Iason. ad l. non solum, 8. §. morte eius, n. 27. de oper. nov. nunc. Alc. resp. 7. 53. n. 1. Decius consil. 160. n. 4. vers. sed ista limitatio. Quid si dominus praesto sit, cum alienatur feudum, nec contradicat, num tacite alienationi consentire videtur? placet affirmatiua, post alios Curt. iun. tract. de feud. p. 4. num. 137. Mynsing. cent. 4. obs. 87. Borch. cap. 8. n. 72. Rosenth. d. cap. 9. conclus. 31. Vult. d. cap. n. 45. Fachin. 7. contr. c. 80. [Modo domini consensum prius implorauerit vassallus, & postea dominus sciuerit alienationem & tacuerit; alias sola scientiae vix sufficit. Struv. d. c. 13. th. 2. n. 1. iuncta th. 7. n. 4.] Dissent. acriter Henr. Bocer. d. disp. 17. th. 88. Sed an dominus vassallo feudum alienare volenti etiam inuitus assensum suum praebere cogitur? Neg. cum Schrader. d. p. 8. c. 1. num. 21. Dissent. Dd. communiter, Iul. Clar. in §. feudum, quest. 31. num. 11. Wurmbf. obs. pract. tit. 50. Menoch. 2. arb. iud. quest. cent. 2. cap. 182. num. 11. Borch. d. cap. 8. n. 70. Habent autem haec quae de alienatione diximus, has exceptiones. (1) Si vassallus feudum acceperit pro se & quibus ipse dederit. 2.F. 48. iunct. §. pen. & ibi gloss. tit. 26. Iul. Clar. in d. §. quest. 31. n. 8. Fachin. 7. contr. 82. (2) Si loci consuetudo id permittat, Clar. d. loc. n. 12. [vide supra D. 9. th. 4. lit. c. & f.]

c) 2. F. 24. §. praterea, ibi, grandem iacturam. §. deniq; ibi, grauiter deliquerit, Curt. iun. d. p. 4. n. 44. Zas. p. 10. n. 54. Schrad. p. 9. c. 6. num. 69. Vult. d. cap. n. 39. [Struv. c. 15. th. 5.] Quae autem insignis vel modica sit deterioratio, declarat Menoch. 2. de arb. iud. quest. cent. 1. cap. 78. Quid si feudum sit emptum, an & tum amittitur? Omnino, 2. F. 8. §. econtrario autem. Dissent. Crauett. 1. consil. 6. n. 109.

d) Puta arcibus, castris, vicis aut ciuitatibus. 2. F. 6. vers. tutum & vers. vtile, t. 7. vers. & si contigerit, iuncto tit. 21. 1. F.

e) arg. l. si parietem, 8. l. quidam Hiberus, 13. de serv. praed. vrb. Dissent. Schrad. p. 9. c. 3. n. 4.

VII.

Culpa aduersus extraneum committitur, veluti si vassallus

o o





fallus parricidium fratri suo aut filio eius inferat *a*, conuassallum tradat *b*, maiestatis crimen incurrat *c*, quibus addi potest nimia in subditos sæuitia *d*, & incestus *e*, non etiam quoduis aliud stuprum *f*.

a) 2.F.24. *vers. deniqs, vers. si vero non in Dominum, tit. 37. pr.* Quod extendimus ad omne aliud parricidium. Curt. iun. *part. 4. n. 39.* Cuiac. *ad tit. 2. lib. 1. F. Schrad. par. 9. cap. 3. n. 25.* Rosenth. *d. cap. 10. concl. 65.* Vult. *d. cap. 11. n. 34.* [Struv. *c. 15. h. 10. n. 1.* Carpzov. *Disp. feud. 9. th. 25.* Sed rectius dissentit Ludw. *p. 367.* Idque ad solum parricidium fratri, vel eius filio eo fine illatum, vt quis succedat in feudo, restringit. Nam sic re vera est delictum circa feudum commissum. Cum & textus 2. F. 24. de hoc tantum casu agat. Accedit, quod nec ob interfectionem fratris domini, vassallus feudum amittat 2. F. 37. *pr.* Finckelth. *D. 10. th. 14.*] licet ope consilio *vulg. iur.* vide *th. 5. lit. b.* licet euentus non sit secutus propter impedimentum, *l. sciente, 7. ad l. Pomp. de parr.* Schrad. *d. cap. 3. num. 30.* Idem est si conscius saltem sit, cædis fraternæ, neque reuelet. *l. 2. 6. ad L. Pompei. de Parricid.* Schrad. *d. c. 3. n. 33.* Quid si patrem suum spiritualem quis occidat, an idem dicendum? Nego, vide Schrad. *d. c. 3. n. 25.* Rittersh. *d. c. 5. n. 114.* Quid si non quidem occidat, sed dolo captiuum detineat, aut carceri mancipandam tradat, aliquam ex prædictis personis? Idem dicendum tradunt Dd. communiter, Curt. iun. *p. 4. n. 39.* Schrad. *d. c. 3. n. 39.* Rosenth. *d. c. 10. concl. 65.* Quid si fiat *αυτοχρησ*, an & tum feudo cadet? Nego cum Vult. *d. c. n. 34.* quem vide.

b) 2. F. 37. vbi homo conuassallum significat, vt ostendit Hotoman. *disput. feud. c. 24.* [Struv. *d. l. n. 2.* vbi vocem *tradere* recte per *prodere* explicat, ideo quod & hodie Italis proditor vocetur *traditore.*] An autem hoc ad quemuis hominem trahendum sit, variant Interpp. Nos negantium partes tuemur, contra Schrad. *p. 9. c. 3. n. 64.* Borcholt. *d. c. 8. n. 125.* Rosenth. *d. c. 10. conclus. 62.*

c) Bl. *ad §. callidis, tit. 55. 2. F.* vide Schrad. *d. c. 8. num. 18.* & tradunt Dd. communiter *ad L. quisquis, C. ad L. Iul. Maieft.* [Itterus *c. 24. §. 5.*]

d) 2. F. 27. *§. quicumque aduocatiam ibi, beneficium inornate tractauerit,* vide Rosenth. *d. c. 10. concl. 15. l. a.* Schrad. *d. c. 3. num. 59.* Mynsing. *cent. 5. observ. 8.* Gail. *lib. 1. de pac. publ. c. 2. n. 22.*

e) Schrad. *d. c. 3. num. 1.* Wesemb. *c. 15. n. 5. in f.* Borcholt. *d. cap. 8. n. 105.* Rosenth. *c. 10. concl. 37.* Cuiac. *ad t. 2. F. 1.* Rittershus. *d. c. 5. n. 120. §. 122. conf. tit. 37. §. 56. 2. F.* Dissent. Curt. iun. *p. 4. n. 40.* Boc. *d. disp. 17. class. 4. num. 105.* [Struv. *d. l. n. 3.* Diss. Ludw. *p. 369.*]

f) Ro-



f) Rosenth. d.c.10. ioncl. 67. cum alleg. Vult. d.c. II. num.36.

IIX.

Omittendo in culpa est vasallus, veluti si seruitia debita nolit præstare a, Dominum in acie deserat b, grandem illi iacturam imminere sciens non indicet aut auertat c, alioque modo in angustiis constitutum pro posse non iuuet d, item si in annui canonis præstatione dolo malo per triennium cesset e, aut intra legitimum tempus inuestituræ renouationem non petat f.

a) Quæ causa iustissima est cum cessante officio cessare etiam debeat beneficium, 2.F.24. *Sed non est alia.* [Modo seruitia exacta 2.F.21. Nisi iustam causam excusandi habeat vasallus. Kohl de Seruit. feud. p.vlt.n.68.]

b) 1.F.5. princ. tit.21. §.vlt. 2.F.24. *item qui dominum suum, & tit.57.* nisi vel iam cæsus sit dominus, vel ad mortem vulneratus. [Nisi exercitus domini adhuc pugnet quem nec mortuo domino deserere debet vid. Dn. Parens in Disp. de Vasallo desertore c.2.n.119. seq. quæ extat in vol III. dispp.] Quid autem si vasallus putet dominum vulneratum mortifere, cum tamen omnino vulneratus non sit, vel non lethaliter? Magis est vt feudo non priuetur, modo per verisimiles coniecturas probabile sit eum existimasse, Sonsbec. p.12.n.13. Alioquin idem dicimus etiam si nondum præsentis periculo expositum dominum relinquat, Sonsbec. d.p.12.n.10. Dissent. Dd. communiter ad t.24. §.item qui Dominum, 2.F. idemque si pœnitentia ductus statim reuertatur in aciem, Laudens. ad t.5. lib.1.F. Curt. iun. p.4.n.12. Sonsb. p.11.n.12. Diss. Rosenth. c.10. concl.13. Schrad. p.6.c.6.n.87. vbi plur. vide. Quid si dominum iniustum bellum mouentem primo quidem iuuet, post autem pœnitentia ductus deserat? Retinere eum feudum putamus, Rosenth. d.cap.10. conclus.13. Schrad. d.p.6.c.6. num. 87. Vultei. d.c. II. num. 19. At quid iuris si duo fratres possideant feudum commune, alter autem dominum deserat, alter vero persistat, num sublevabit desertorem fratris persistentia a feudi priuatione? Nequaquam. Sonsbec. d.p.12.n.13. Borcholt. d.c.8.n.87. Vultei. d.cap.11. num. 19. vbi vide dissent. Intellige hæc omnia vt procedant, licet fuga illa aut desertio domino non noceat, l.3. §. in bello qui rem, de re militar. Limita prædicta. I. Si inutilis factus ad defensionem aufugit, puta brachiis abscisis, Rosenth. d.c.10. conclus.10. Vultei. d. cap. num. 19. II. Si inhumana hostium crudelitate territus id fecerit, Schrad. p. 6. cap. 6. num. 83. Rosenth. d.c.10. concl.14. Vult. d. num. 19.





c) 2.F.41. §. *præterea si vasallus*, tit. 6. *vers. utile iuncto vers. & si contigerit.*

d) Puta si captivum eum non redimat, Schrad. *p. 9. cap. 8. num. 8.* Borcholt. *d. c. 8. num. 14.* Vultei. *d. c. 11. n. 48.* aut inopem pro feudi qualitate non alat. vide omnino Schrad. *d. p. 9. c. 8. n. 12. & 13.* item si iustitiam ei facere negligat, Rosenth. *d. c. 5. n. 63.*

e) Sonsbec. *d. p. 12. num. 64. cum seqq.* Dissent. commun. Dd. Iul. Clar. *in §. feudum, quest. 51.* Schrader. *p. 9. c. 6. num. 75. cum seqq. & c. 8. num. 20.* Rosenth. *d. c. 10. concl. 19.*

f) 1.F. 22. 2.F. 24. *pr. tit. 40. §. ult. tit. 52. §. ult. tit. 55. §. præterea.* Vultei. *d. c. 11. num. 23. cum alleg.* Sed an vasallus elapso hoc inuestituræ petendæ tempore moram purgare poterit? Negativam tuemur. Matth. de Afflict. *decis. 714.* Clar. *§. emphyteusis, quest. 8. n. vlt.* Connan. *7. comment. c. 13. num. 9.* Diss. Ros. *c. 6. con. 107.* cum communi Dd. schola, quæ sententia æqua est.

## IX.

Citra culpam feudum amittitur, veluti interitu rei feudalis *a*, lapsu temporis *b*, refutatione *c*, voluntate domini *d*, clericatu *e*, morte *f*, & aliis modis.

a) Quia est ususfructus quidam, 2.F. 23. §. *ult. vers. ususfructus.* §. 1. & *ult. instit. de usufr. l. pen. C. de usufruct.* sic & emphyteusis tollitur sublato corpore, *l. 1. C. de iur. emph.* vide Vultei. *d. c. n. 5.* [Struv. *c. 1. th. 4.*]

b) 1.F. 2. *pr.* [Si sc. certa conventionione tempus adiectum [Struv. *dict. l. thes. 6.*]

c) 2.F. 9. §. 1. & 39. *iunct. tit. 49.* [Quousque refutatio in feudis Imp. valeat vide ap. Itter. *c. 22, §. 9. seq.*]

d) quod verum est saltem in feudo guardiæ & gastaldiæ, 1.F. 2. & 11.

e) 2.F. 21. §. 26. §. *qui clericus*, 30. & 36. [Struv. *d. l. th. 7.*]

f) nullis relictis successoribus, 1.F. 5. §. *rursus*, tit. 13. §. & *si clientulus.* 2.F. 9. §. 1. *vers. sin autem tit. 12. & 18.*

g) puta defectu virium, ita ut officii inhabilis redditus sit, 1.F. 6. 2.F. 36. vbi Hottom. cessione bonorum, Br. & alii *ad l. 15. §. si de vectigal. de damnno infect.* Schrad. *d. p. 9. c. 10. num. 4.* euictione, Schrad. *d. loc.* item præscriptione, Vultei. *d. c. n. 9.* late Gœdd. *in d. manuscripto tract. d. c. 9. concl. 5.*

## X.

Expositis ad hunc modum feudi amittendi causis, coronidis loco despiciemus: An ipso iure amittatur? *a* tum etiam



etiam, num vasallus, qui sua culpa feudum amisit, & restitutus est, facta ei gratia a Principe, bona quoque feudalia recuperet? *b* Et denique, an dominus feudum ad se reuersum, si conferre in alium velit, consanguineis potius prioris vasalli, intra annum re integra illud petentibus, quam extraneis concedere debeat? *e* Negamus.

a) *arg. tit. 21. in princ. lib. 1. F. Schrad. part. 2. part. 9. princ. Rosentli. c. 10. conclus. 108. Vult. lib. 1. Feud. d. c. 11. num. 59. Marquard. Freher. ad const. Car. III. Imperat. de feudis, in verb. priuetur. Rittershus. 2. part. F. c. 6. num. 15. & seqq. vbi vide exceptiones. [Struv. c. 15. th. 11. Mauritius Dec. 14. pos. feud. 8. Quid in feudis imperii obtineat, tradit Itterus c. 24. §. 7. Ob illicitam autem alienationem, feudum ipso iure ad dominum reuertitur Struv. d. th. num. 8.] Et hanc sententiam pulchre illustrat Güntherus libr. II. Ligu- rini, his versibus:*

Roncaliam properat rapidis attingere castris,  
Hic quoties claram regnator tendit ad urbem  
Teutonus, Ausoniam sumpturus rite coronam,  
Ponere castra solet. Ligno suspenditur alte  
Erecto clypeus. Tunc præco regius omnes  
Conuocat a Dominis feudalia iura tenentes.  
Excubias Regi prima celebrare fideles  
Nocte vetustorum debent e more parentum,  
At quicumque domi Domino nolente relictus  
Defuerit, feudo PRIVARI CURIA censet.

Dissent. Bocer. *d. disp. 17. thesi 37.* cuius argumenta refellit Rittershus. *d. l.*  
Sed an culpa aliqua ex prædictis admessa a vasallo, saltem declarare ne-  
cessum habebit dominus, quod feudum in commissum cecidisse velit? Ne-  
gamus per ea quæ iam dicta sunt. Diss. Dd. plerique, quos refert & sequi-  
tur Schrader. *tract. feud. part. 2. partis nonæ principalis, sect. 9. num. 1. & 5.*  
[Sequitur etiam Struv. *d. cap. th. 12. num. 3.* Quæ sententia & nobis per-  
placet.]

b) Nam si simplici indulgentia vtatur erga condemnatum, tunc pœ-  
nam tantum remisisse Princeps censetur, *l. generaliter. 7. C. de sent. pass. l.*  
*ult. C. de general. abolit. l. 2. ibi, sine graui alterius partis dispendio. l. rescri-*  
*pta, 7.*



pta, 7. ibi, nisi forte sit aliquid quod non ledat alium, & pro fit petenti, C. de prec. imper. offer. l. 2. §. merito. l. si quis a Principe ff. ne quid in loco public. l. nec auus, 4. C. de emancipat. liber. cap. quamuis, de rescript. in 6. Andr. Gail. l. 2. de pace publ. c. 19. num. 4. 9. & 11. Dissent. vide apud Schonorum l. 1. disp. feud. disp. ult. th. 71. Confer supra th. 1. lit. a.

c) per text. in tit. 24. vers. si autem Dominus. lib. 1. F. 2. F. 54. in fin. & 55. §. callidis, ibi, & ad Dominum libere reuertatur, Andr. Gail. 2. obs. pract. 148. num. 3. vers. sed verior opinio est. Dissent. Mynsing. cent. 5. observ. 16. & cent. 6. obs. 79. vide Schon. disp. ult. th. ult.





Halle, Diss., 1698 J.S. Stryk

ULB Halle 3  
002 275 21X



f

sb.


WDA











Farbkarte #13

B.I.G.



1698 131 M

TONII, IC.  
ALIS XI

MO.

DVM  
R,

re Publico,  
s Dn. de RHEZ  
ERICIANA,

TRYKIO

Ordinario,

CXCIIX

submittit

S Kanler/

CAE,  
TLERI, AC. TYP.

